

GOFAL SYLFAENOL GWYRDDACH (GSG)

Fframwaith cynaliadwyedd amgylcheddol a chynllun dyfarnu sy'n cyd-fynd â Chynllun Cyflenwi Strategol Datgarboneiddio GIG Cymru



Canlyniad 1 GSG

Sector cyhoeddus carbon niwtral yng Nghymru erbyn 2030 a sector preifat carbon niwtral yng Nghymru erbyn 2050.



Canlyniad 2 GSG

Mwy o ymwybyddiaeth a gweithredu gan randdeiliaid gofal sylfaenol gan gynnwys clinigwyr, y tîm amlddisgyblaethol ehangach a chleifion wrth ymateb i'r argyfwng hinsawdd



Canlyniad 3 GSG

Gweithio'n effeithiol mewn partneriaeth a hynny am gyfnod hir



Canlyniad 4 GSG

Datblygu cynllun effeithiol, gyda chamau gweithredu hirdymor perthnasol a phriodol y gallir eu cyflawni gan ofal sylfaenol yng Nghymru.



Canlyniad 5 GSG

Y cynllun yn cael ei fabwysiadu ar lefel practisau unigol ac ar lefel gydweithredol / clwstwr.

Sut bydd GSG yn cyflawni'r canlyniadau hyn?

Mae'r hyn y gallir ei gyflawni fesul cam yn cynnwys:

- Cam 1- Cwmpasu cychwynnol i bennu camau gweithredu drafft o fewn y fframwaith contractwyr cyfan. Datblygu'r broses asesu a dyfarnu.
- Cam 2 - Sefydlu Grŵp Arbenigwyr sy'n cynrychioli ystod o randdeiliaid. Mireinio'r fframwaith yn seiliedig ar adborth gan y Grŵp Arbenigwyr.
- Cam 3 – Comisiynu SOS-UK i ddatblygu'r llwyfan a'r broses ar-lein ar gyfer archwilio tystiolaeth a gyflwynwyd.
- Cam 4 – Treialu'r fframwaith, gwerthuso ei ddefnydd, a'i ddatblygu ymhellach ar gyfer cyflwyno'n genedlaethol.
- Cam 5 – Datblygu [tudalennau gwe](#) i hwyluso'r broses o rannu gwybodaeth.
- Cam 6 – Cyfathrebu a chodi ymwybyddiaeth ar draws y pedwar contractwr gofal sylfaenol annibynnol.
- Cam 7 – Cyhoeddi a lansio'r cynllun yn genedlaethol.
- Cam 8 – Adolygu'r cynllun ar gyfer camau gweithredu ar lefel gydweithredol, clwstwr a bwrdd iechyd.
- Cam 9 – Adolygu a datblygu'r fframwaith yn barhaus mewn cydweithrediad â'r Grŵp Arbenigwyr.

Pam mae angen fframwaith GSG?

Ym mis Ebrill 2019, Senedd Cymru oedd y senedd gyntaf yn y byd i ddatgan argyfwng hinsawdd

. Er mwyn arwain y ffordd ar weithredu ar yr hinsawdd yng Nghymru, mae Llywodraeth Cymru wedi ymrwymo i sicrhau sector cyhoeddus carbon niwtral erbyn 2030. *Cynllun Cyflenwi Strategol Datgarboneiddio GIG Cymru* a gyhoeddwyd yn ddiweddar fydd yn cynnig yr arweinyddiaeth ar gyfer cyflawni'r nod hwn o fewn y GIG.

Mae awydd am y gwaith hwn o fewn contractwyr gofal sylfaenol yng Nghymru ac mae llawer wedi ymgysylltu'n rhagweithiol â'r agenda. Mae cefnogaeth am ymdrech gydgyssylltiedig i weithio gyda gofal sylfaenol i gymryd camau i fynd i'r afael â'r newid yn yr hinsawdd.

Rydym wedi nodi bod angen fframwaith cynaliadwyedd amgylcheddol a chynllun dyfarnu sy'n berthnasol i bob contractwr gofal sylfaenol ac sy'n seiliedig ar ôl troed cydweithredol/clwstwr sy'n bwrpasol i gyd-destun Cymru. Er bod pecynnau cymorth yn y DU, mae rhai camau gweithredu yn cyfeirio at gynlluniau uniaith Saesneg nad ydynt ar gael yng Nghymru.

Mae'r gwaith yn cyd-fynd â nholisi

Canolfan Datblygu ac Arloesi Gofal Sylfaenol a Chymunedol
Datblygu Gofal Sylfaenol yng Nghymru
Primary and Community Care Development and Innovation Hub
Developing Primary Care in Wales

